



Institut za historiju

Sarajevo
Alipašina 9

ID.B.4200038040000

Na osnovu člana 93. (c) i (g) Statuta Univerziteta Vijeće Instituta na sjednici održanoj dana 09.12.2016. godine donosi

Pravilnik o utvrđivanju kriterija za projekte u Institutu za istoriju Univerziteta u Sarajevu

Član 1.

Ovim Pravilnikom utvrđuju se kriteriji za projekte u Institutu za istoriju i to preciziranje načina predlaganja, usvajanja, ocjene, rokovi trajanja, i druga statusna pitanja u vezi sa projektima koji se rade u Institutu, a u cilju produktivnijeg rada naučnoistraživačkog osoblja Instituta za istoriju Univerziteta u Sarajevu.

Odredbe ovog Pravilnika odnose se na naučnoistraživačko osoblje Instituta.

Član 2.

Na osnovu člana 93. (g) Statuta Univerziteta, Vijeće Instituta utvrđuje naučnoistraživačke projekte kao i strateške projekte za razvoj Instituta i prati njihovu realizaciju, daje odgovarajuće smjernice, određuje voditelje projekta i ocjenjuje kvalitet ostvarenih projekata.

Član 3.

U skladu sa obavezom da učestvuje u realizaciji naučnoistraživačkog i istraživačkorazvojnog rada u Institutu naučnoistraživačko osoblje radi na projektima, i to u okviru izbornih perioda koji je u skladu sa odredbama članova 31. i 32. Zakona o naučnoistraživačkoj djelatnosti u vezi sa odredbama Ugovora o radu.



Institut za historiju

Sarajevo
Alipašina 9

ID.B.4200038040000

Član 4.

Vijeće odlučuje o početku rada na projektu donoseći odluku o prihvatanju ili usvajanju projekta.

Svi projekti u Institutu za historiju dijele se na individualne i kolektivne.

Individualni projekti su bazični, pojedinačni projekti koje usvaja Vijeće Instituta.

Kolektivni projekti su zajednički projekti koje također usvaja Vijeće Instituta.

Kolektivni projekti se dijele na:

a) kapitalne koje Vijeće odredi kao takve (npr. *Historija Bosne i Hercegovine, Hronologija historije Bosne i Hercegovine, Historijski leksikon Bosne i Hercegovine* i sl.) i

b) projekte na koje se Institut prijavljuje putem javnih i internih konkursa.

U vezi sa članom 3. ovog Pravilnika naučnoistraživačko osoblje koje se nalazi u radnom odnosu u Institutu mora imati jedan (1) individualni projekat.

Član 5.

Individualni projekti traju najduže četiri (4) godine, uz mogućnost produženja najviše do dvanaest (12) mjeseci o čemu odlučuje Vijeće Instituta javnim glasanjem natpolovičnom većinom.

Nosilac individualnog projekta u roku od mjesec dana nakon završetka projekta dužan je podnijeti izvještaj o istraživanjima obavljenim za potrebe projekta, radovima i izlaganjima koja je imao a koji su vezani za dati projekat. Vijeće na osnovu podnesenog izvještaja konstatuje da li je projekat završen, o čemu donosi posebnu odluku. Na osnovu navedene odluke naučnoistraživačko osoblje podnosi prijedlog novog projekta Vijeću Instituta u roku od tri mjeseca.

Ukoliko nosilac projekta ima potrebu za produženjem roka za završetak projekta neophodno je da podnese zahtjev predsjedavajućem Vijeća pismeno, a isti da članovima Vijeća obrazloži usmeno u smislu stava 1. ovog člana.

Ukoliko se projekat iz prethodnog stava ne završi, odnosno ukoliko ga Vijeće Instituta ne usvoji a kao završenog nakon pet (5) godina rada, a uposlenik ostane u radnom odnosu i bude ponovo biran



Institut za historiju

*Sarajevo
Alipašina 9*

ID.B.4200038040000

u isto zvanje, dužan je, u roku od mjesec dana, Vijeću podnijeti prijedlog novog projekta na razmatranje, što se reguliše posebnom odlukom.

U gore navedenom slučaju podnosilac zahtjeva je dužan dostaviti pismeni izvještaj predsjedavajućem Vijeća o razlozima nezavršavanja projekta, te isti obrazložiti usmeno na Vijeću. U skladu sa odlukom Vijeća projekat se završava ili obustavlja.

Član 6.

Svi projekti smatrat će se završenim, bez obzira na preostalo vrijeme trajanja istog, ukoliko uposlenik ne bude izabran u više zvanje nakon reizbornog perioda sukladno članu 31. i 32. Zakona o naučnoistraživačkoj djelatnosti.

Kolektivni projekti mogu se obustaviti i ponovo aktivirati po potrebi odlukom Vijeća, javnim glasanjem natpolovičnom većinom, o čemu se donosi posebna odluka.

Član 7.

Prijedlog projekta podnosi naučnoistraživačko osoblje. Prilikom izbora projektnih tema vodit će se računa o tome da to budu teme iz do tada neobrađenih ili nedovoljno obrađenih područja historiografije kao i područja za koje je potrebno izvršiti ponovno sagledavanje do tada postignutih naučnih rezultata. U konačnici, tema individualnog projekta definira se u dogovoru sa direktorom Instituta za istoriju.

Individualni projekti podnose se pismenim putem (obrazac) Vijeću Instituta na razmatranje, koje ga i odobrava posebnom odlukom.

Sjednici Vijeća na kojoj se raspravlja o prijedlogu projekta prisustvuje podnosilac projekta zbog eventualnih pojašnjenja i dopuna.

Kod prihvatanja projekta u obzir se uzimaju sve objektivne okolnosti (moguća finansijska podrška, potreba za istraživanjem u inostranstvu, ograničavajuće okolnosti po temu projekta i sl.)



Institut za historiju

Sarajevo
Alipašina 9

ID.B.4200038040000

Član 8.

Na sjednici Vijeća na kojoj se razmatraju prijedlozi za individualne projekte, prednost prilikom ocjene prijedloga imaju članovi Vijeća iz iste ili srodne oblasti u odnosu na temu projekta, zatim svoje mišljenje mogu iznijeti i ostali članovi Vijeća. Konačnu ocjenu o prihvatanju projekta donose svi članovi Vijeća javnim glasanjem natpolovičnom većinom.

Član 9.

Vijeće uz obrazloženje ima pravo zahtijevati od podnosioca projekta da izvrši dodatne izmjene, korekcije ili dopune prijedloga projekta o kome se raspravljalo, a sve u cilju bolje naučne utemeljenosti i jasnijeg definisanja predmeta istraživanja.

Član 10.

Kolektivne projekte koji se prema ocjeni Vijeća tretiraju kao kapitalni projekti Instituta, priprema radna grupa koju imenuje direktor, na prijedlog Vijeća instituta. Ukoliko je broj saradnika na kolektivnom-kapitalnom projektu nedostatan, imenovana radna grupa može predložiti angažiranje vanjskih saradnika na projektu, o čemu odlučuje direktor Instituta. Troškovi za njihov rad osiguravaju se iz sredstava navedenog projekta.

Član 11.

Naučnoistraživačko osoblje ima mogućnost apliciranja na projekte na koje se Institut prijavljuje putem javnih i internih konkursa. Konačnu listu sa prioritetima iz člana 4. ovog Pravilnika utvrđuje direktor i upoznaje Vijeće instituta o istoj.



Institut za historiju

Sarajevo
Alipašina 9

ID.B.4200038040000

Prednost pri apliciranju stiču projekti čiji je nosilac završio obaveze individualnog projekta u Institutu u predviđenom roku kao i oni projekti čiji su aplikanti angažovani na manjem broju projekata iz člana 4. ovog Pravilnika.

Član 12.

Naučnoistraživačko osoblje zadržava pravo na učešće u projektima koji nisu predmet ovog pravilnika (član 4.), u neograničenom broju, s tim da takvi projekti ne mogu nositi identičan naziv projektima koji su odobreni u Institutu za istoriju.

Član 13.

Naučnoistraživačko osoblje čiji projekti traju duže od od pet (5) godina u trenutku usvajanja ovog Pravilnika dužni su isti završiti najkasnije u roku od dvanaest (12) mjeseci.

Na ostale individualne projekte odnose se odredbe ovog Pravilnika.

Član 15.

Ovaj Pravilnik stupa na snagu osam (8) dana od dana donošenja i biće objavljen na oglasnoj ploči Instituta za istoriju.

Broj: 01-01-487 /16

Datum: 15.12.2016

Predsjedavajuća Vijeća Instituta

dr. Senija Milišić